

alveo per Scaldia Insula littora violento vastoque gurgite in Oceanum devolvitur. Caterum flumen hoc astitum Oceani reciprocantis sentit Gandavum usque, ab ostio Milliaribus (hisce tamen adnumeratis ejus anfractibus) plus quam xxx. Subeuntque flumen hoc Acipenser, Salmones, Trutæ, Lampræ ingentes, Rhombi, Congri, Aloë, Cuculi, Mugiles, Cammari, Soleæ, Locustæ admirabiles, Sarda, alique permulti Pisces delicatissimi qui ex Mari adverso amne in Scaldim penetrant, ibique pascuntur & ova pariunt, quod ejus aqua ipsis ad id aptissima sit. Atque hinc duobus aut tribus mensibus, inter ver & æstatem præter majores Pisces, tantus numerus pisciculorum minutorum, vix natorum, capitur, ut incredibilis inde hominum multitudo victitet. Flumen hoc quoque plurimi Canes Marini, & Tursiones ingrediuntur; quæ duo genera Piscium eorum numero sunt, quæ non ova, sed membris propriis fœtus jam formatos & perfectos pariunt. Canes Marini suos terra gignunt, & suis uberibus, dum ad mediocrem magnitudinem pervenerint, lactant. Præterea Fluvius hic ex se, nullo Maris adminiculo, varia toto anno Piscium producit genera, quorum hæc sunt præcipua: Lucii, Barbi, Tinca, Cyprini nobilissimi & commune pondus excedentes, ut xx sæpe librarum reperiantur, Gobiones, & alii Pisces permulti majores & minores. Anguillæ variæ, varia Cammarorum genera, & in Fluminis Ostio Ostrea nonnulla, quæ tamen eo ex Mari subeunt. Itaque Fluvius hic subsidio Maris, Piscium multitudine & varietate nulli, non modo Gallia, sed nec totius Europæ Flumini cedit. Aa prope Teroanam oritur, & in Cæciam vergens, Fanum S. Audomari perlabitur, ac Grevelingam delatus (prope quam anno c1515 inter Burgundos & Gallos celebris illa pugna commissa est) in Britannicum Mare se exonerat. *Lisa* vulgo *de Leye*, in Artesia oritur, in Pago Lisburgo (*Lisbourg*), qui hinc nomen obtinet, prope Teroanam: & Ariam, Armenteriam, Vervicum & Meninas (*Meenen*) contemplatus, inde abundat. *Sambra* vulgo *Sambre*, *Sabis* Cæsari; in Hannonia prope Pagum Novionem (*Novion*) nascitur, & in ventum Hellepontium conversus, lustratis Opidis, quæ vulgo, *Landrecy*, *Sassene*, *Barlaymont*, *Maenge*, *Merne*, & *Chassele*, tandem Namurcum perlapsus in Mosam se exonerat, pisces delicatos subministrans. *Deila* in Brabantia, prope pagum Tilam oritur, & versus Septentrionem tendens Waveram petit: deinde Lovanium permeat tribus inde Milliaribus distitum; & cursum istum tria circiter Millia servans, postea in Occidentem flexus, multis Brachiis Mechliniam perlabitur, ac tandem quatuor Milliaribus a Rubimonda, admodum auctus in Scaldim desinit. *Sena* (*la Seine*) nomen, ut videtur, obtinuit, a Senonibus in Hannonia: & ad ventum Hellepontium vergens, *Hallam* petit: & *Bruxellem* perlapsus *Vilvordā* permeat: inde ad Cæciam flexus, dextra Mechliniam relinquit, ac paullo ulterius progressus in *Delam* se effundit. *Deila* apud Leodenses prope Opidulum *Per* oritur: & in Septentrionem conversus *Eindovam* interluit: inde primum cursum servans *Silvam Ducis* petit, infra quam in *Mosam* evolvitur. *Demera*, prope Tungros in Leodiciensi quoque Diocesi, scaturit, & in Occidentem versus *Bilsenum*, inde *Hassilem* (*Hasselt*) & *Dieltum* interluit.